

docriver.com
入駐商家
在文川網搜索古籍時城 获取更多電子書

中國方志叢書·華北地方·第二二三號

據 民國、趙葆真修段光世等纂 影印
民國二十二年鉛本

陝西 省

鄠縣志



sf35/04

成文出版社有限公司印行



中國方志叢書·華北地方·第二三三號


據 民國、趙葆真修段光世等纂
民國二十二年鉛本 影印

陝西 省

鄂

縣

志



成文出版社有限公司印行



中華民國五十八年 月壹一版

鄠縣志

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

重脩鄂縣

縣志

于亮



月 癸
校 酉
印 六

續修鄆縣志序

志者誌也所以推因求果察往知來而垂示於來裔者也故詳實尙矣鄆志修於有清乾隆四十二年迄今已逾百五十寒暑孟子云君子之澤五世而斬小人之澤五世而斬蓋以其間滄桑變幻陵谷遷移舉凡人文政事之興革廢舉時局地方之理亂得失與夫一時之忠孝節義碩學鴻才潛德幽光流芳餘烈若使遲之又久必有泯滅而不可究詰者且律以六十年必修志之成例亟有待於續修而無可疑議焉爾第代遠年湮私家記載搜集匪易熟於掌故之父老又相繼歿逝益以檔卷殘缺散佚訪諮既無所恃稽考更失所憑猶以從事續修欲其信而有徵供省志之採錄保一方之文獻不成難之又難乎邑儒吳象先段吉安張子甲王子如諸君學優齒尊堪膺續修之任歲辛未就邑前令強公聘設館董其事卽本前志及十九年續修通志鄆採訪局所輯者擴展至民國二十年博蒐約取重加彙編殫精粹神閱年有半始有今脫稿之一日則甚矣成事之難也壬申夏五月予由武功調署來鄆甫下

車即屬意縣志叩諸董事云九月內即可蕆事詎秋七月間虎疫劇烈殊礙進行疫甫息而又有豫匪之竄擾戎馬往來城門書閉風聲鶴唳一般咸惴惴焉然諸執事猶能鎮靜力作不肯橐筆少避遂於癸酉春三月得告完成惟舊志總列七門子目未詳致查考故實者病其混淆茲特析爲二十六門每門簡首各繫以辭都爲十卷方之舊志稍事增益藉便閱覽於其成也謹弁數言非敢謂爲盡善也聊備他日之稿本而已若夫拾遺補缺則有望於後來之賢者是爲序

中華民國二十二年三月澄城趙葆真識於鄆縣縣政府

重修鄆縣縣志序

道之流行於天地也不可見可即事物而見之夫事物皆電光泡影耳亦轉瞬而不復見然則道之歷久而可見者其惟文字乎文字之可久傳而不至磨滅者其惟志書乎志之有關於道也大矣哉昔列國各有史官掌記國事晉乘楚檮杌魯春秋其制一也春秋經孔子筆削遂與六經並傳垂法後世一字褒榮華衰一字貶嚴斧鉞斯文在茲斯道在茲也孔子曰斯民也三代之所以直道而行也於齊則取太史簡於晉則取董狐筆取直書也不直則道不見也嗣後史書有抑筆而流爲謗書者有曲筆而諂爲諛書者皆不足以載道而適足以害道也吾鄆今重修縣志志亦史之流也以繼之不才謬充總校繼何人斯敢當斯任然既辭不獲已姑誌其崖畧并即志中所分各門類擬以弁言如左

弁言

山峙河流優佔形勝一夫當關萬人莫敵此天然之地理也設險守國屏我藩籬築砲台備利械置鐵艦守戍兵以固國防此人爲之地理也吾國清末舉天然地理多租借於人而人爲地理復漫然無所布置內地準人駐軍內河任彼行船完璧有缺金甌已脫地理殊不堪問矣吾鄂在吾國蕞爾彈丸耳然而國既爲人民之國國民自人人有管理國事權限苟能於地理上如路政警政農政林政工政市政學政及一切經濟組織于自治區域中次第告成以次而漸及於運輸交易以組織區域外之交通而漸與鄰縣自治在地上聯成一氣焉則縣各新縣積成一省省各新省積成一國安見版圖上不可掃除一切地理的污點而成一乾淨土爲主權完全國家也耶鄂人既愛此寶貴地理鄂人盍先按地理而勉爲自治乎志地理

附星度

易曰雲雷屯君子以經綸夫經者理其緒而分之綸者依其類而合之經綸之義施之一切政治咸宜而施之今日的疆域爲尤急即如以吾鄂疆域論四境八方若長

咸與蓋寧柞等縣均與鄠犬牙參錯非經之則界限不清何以嚴封守之責非綸之則畫一無望何以消畛域之私况當此時會屯塞正君子經綸雲雷時也一切路政警政礦政軍政火車輪舶之往來水程軌道之交通兵士警生之守望相助此疆彼界惟用經綸之道以組織之則疆域既畫分焉而秩然不紊復聯絡焉而藹然相親愈分明愈浹洽矣志疆域附沿革

天地氣候之休咎與人事之休咎相爲表裏者也洪範爲天人感應之書同是雨暘燠寒風也于休徵則曰時于咎徵則曰恆恆則如琴瑟不調而專一之必柱折絃絕不能鼓也嘗見雨恆則潦暘恆則旱燠恆則溫寒恆則閉風恆則晦有一於此其不歲凶荒而飢饉人凍餒而夭折者幾希矣吾鄠古稱陸海者也今胡爲四境一望赤地無涯滌滌山川如燐如焚水脈也爲之絕流空氣也因以乾燥向之氣候何其和今之氣候又何厲耶此豈天地陰陽之偏勝淫疾歟抑人事之狂僭豫疾蒙之咎徵歟古昔聖賢所以作肅作又作哲作謀作聖以變理陰陽而風雨節寒暑時非偶然

也志氣候

鄂南二十里外列如屏障皆山也東抵長安西接盤屋南依秦嶺中間山谷綿亙數
 百里重巖迭嶂繹絡不絕即子思子所謂草木生之禽獸居之寶藏興焉亦即禹貢
 所謂終南惇物也居民向恃樵採佃獵取草木鳥獸以資生活于寶藏無人過問焉
 已不啻買櫝還珠入寶山徒手而歸矣乃近因旦旦而伐是以濯濯若彼人民生計
 亦既告竭矣所可惜者無窮之煤鐵金銀銅錫等礦下而深伏于地上而醞蓄于大
 石層巖之中在不知者視同不毛苟延精於礦學之技師積費而開採焉如煤洞溝
 銀洞溝鐵洞溝石炭石等所在皆是即所在皆金錢則山之徧地皆黃金也奈之何
 猶橫鎖失匙而束手待斃也志山谷

鄂南依終南泉流交錯西帶澇東襟灑北濱渭中間又有太平蚰蜒蒼龍諸河胡公
 白沙阿姑沒豬諸淵泉言水利者宜注意焉近歲廣東河南各省甘蔗之利遠逾疇
 昔聞係以智利硝為肥料夫智利硝由南美智利國運來道阻且長成本既大售價

甚昂惟產甘蔗地能够用餘田用不起也乃西人則不靠智利之天然硝多用電造之人爲硝憑科學的智識用國中山前瀑布和河灘水力運動電機發生極大電力即以此電力製造人工硝其功用與天然硝完全相同凡農田得此肥料其生長速率即增一倍而枝幹之碩大又增二三倍其收穫之豐又增二三倍鄂境內如高冠紫閣之瀑布諸流之河灘所在多有倘能研究水利蓄起水力可引水灌田且並可磨電糞田化無用爲有用化瘠田爲腴田民窮財盡之鄂人或有一線生機乎志河流

世之談國計者往往重視分配而忽視生產無論分配勢不能均也即使銖兩悉稱以有限之物產供無限之欲繁生產既不敷用爭奪因之相生爭奪或不如願仇殺因之相尋大亂之道也蘇維埃政府其殷鑒矣蘇維埃先是聯合中國本欲以中國爲共產試驗品爾時主張未盡行而蘇維埃厲行之不料全國私人均不甚竭力工作生產額數因之大減三年中飢餓而死者三千餘萬人鎗斃罪犯一百七十萬餘

人自古無論混亂如何國內喪亡絕無如是之多者舉國惶恐日甚始屢變章行新經濟政策以復私人財產制度迄今猶未恢復原狀說者謂俄之經濟尙不夠用馬克思政策俄且然况吾國乎吾國三代後生齒繁而戶口日增井田之法既不敷分配不能行於後世矣人類謀生計者舍克勤克儉各盡心力于職業外絕無良法乃近日彼都人士往往舍穡事而趨城市舍筆耕而趨仕途均欲以不勞而獲絕大之私利漸致生利者日少分利者日多生產銳減物價騰昂即欲共產久已無產可共矣試以吾鄂論專恃農業爲生活者也惟農生利餘皆分利者也乃農傭日益乏傭價日益高一中國傭價比外國最低比中國前數十年幾增一倍只以生產未加工艱倍加故主與傭交病一業農者日益少農事日益困難而物產日益形不足樂歲終身苦凶年不免於死亡鄂民前途堪設想乎志物產

物質之建設易心理之建設難吾鄂人口十餘萬此十餘萬農工商學兵男女老幼倫其思想事實必建設於吾鄂人民自治團體之心理上而後如立機關清戶口定

地價修道路開荒田廣學校始可爲自治實行開始而吾鄂自治之基礎于以立俟于上各建設著有成效以次而漸及於農業合作工業合作商業合作交易合作銀行與保險合作種種組織次第告成而建設完成一新鄂縣以爲鄂人所共有鄂人所共治鄂人所共享焉此最大最要最急建設也否則徒事鋪張局面而內容無所建設焉勞民傷財究何益乎是在知建設之本者志建設

專制時代其治自上而下共和時代其治自下而上蓋專制則國家大權操之於一人共和則國家大權操之於人人如建築然未有基礎不固而樓台能穩建者也村鎮者共和時代之基礎也鄂縣治及四鎮三百餘村面積八百餘方里戶口十餘萬爲省垣西附郭區巍巍然一雄藩也村鎮之關於國家也重矣哉非首即縣治及村鎮各地方畫分區域以組織成地方自治團體不爲功然一國之趨勢爲地方上萬衆之心理所造成必地方上自治之鼓吹成熟自治之思想普遍始可即自治實事而次第施行訓政者練習村鎮自治之時期即由專制而入於共和國家要津也非

過渡此要津則必亂中國革命有非常之破壞而無非常自下而上之建設以繼之此所以禍亂相尋而靡已也志村鎮

今夫天命於穆而不已天運至健而不息亘古至今而不知歷幾千百萬年而無一地或間一息或停者果有何道而主宰於中耶夫亦曰理曰氣而已今祠廟中首文廟次武廟文廟前祀孔子而孔子之哲理師表千古者也武廟前祀關岳而關岳之浩氣充塞千古者也然則理與氣歧而二之歟非也以道之形而上者言先有理而後有氣以道之形而下者言先有氣而後有理理與氣渾而化之理氣之無離合猶陰陽之無離合也夫以言及陰陽則天下之理氣在其中即數亦寓於理氣陰陽之中古今來天地之否泰剝復國家之治亂興衰人事之吉凶消長進退存亡亦若爲陰陽所束縛所支配往往當羣陰構難時而天步艱難國運板蕩世道歧嶇人心甚於洪水猛獸天於是乎特別挺生一出乎其類拔乎其萃之至人以立人道之極以留兩間正氣而綿一線碩果於不墜猶之百年幽谷一燈照而黑暗皆明九重霧雲

旭日出而氛祲盡散當此天地不交非賴有一陽焉以維繫於剝極而復之會則乾坤息而人道滅絕矣春秋之孔子三國之關公南渡之岳侯皆陰霾中之孤陽也天於諸大聖賢若故艱嗇其命途困苦其身心行拂亂其所爲而孔子則麟鳳吁嗟轍環終老關公以熊虎飛將星隕大營岳侯尤十年戰功三字冤獄竟畢命於宵小奸人之手彼盜蹠阿瞞薰天宰相輩反轟轟烈烈而富貴而功名而老健不死天何優待小人而特酷遇於仁人耶殊不知若輩皆萑苻蓬蒲質耳一經霜雪立見形萎何足齒也此松梅竹之所以爲三友而獨亭亭然傲霜履冰也孔子稱歲寒松柏亦此意也然而孔子座奠兩楹矣關公大義參天矣岳侯精忠貫日矣孔子之哲理自足以文明天覆地載之羣倫關岳之浩氣以直養而常塞乎天地之間孟子曰規矩方圓之至也聖人人倫之至也謂其可以立人極而爲天下後世法則也是故堯舜禹湯文武周公者天爲處治平世立人極者也孔子關岳者天爲生衰亂世立人極者也處治平世而不能法堯舜諸聖人則治平世之罪人生衰亂世而不法孔子關岳

docsriver 文川网
入驻商家 古籍书城

在文川网搜索古籍书城 获取更多电子书

諸聖人則爲衰亂世之罪人實即得罪諸聖人也然則凡祠廟志之所志者其爲治平世人歟其爲衰亂世人歟典型俱在反而求之有餘師志祠廟

古之官人者有保民之政有治民之政有養民教民之政文與武無異道教與養無分途皆官所常有事也官之責其重矣哉鄠爲周岐豐故都於時服官者皆鄉之秀士俊士升之司徒而選之由司馬辨論其才而官之况輦轂之下首善之區宜如何加意撫綏拔尤敷治乎遐想爾時官斯土者治田里課樹蓄薄賦歛養民之師也家有塾黨有庠州有序教民之師也春夏誦詩書習于戈秋冬學禮樂舞羽籥四時農隙蒐苗狩獮又訓吾民肄文講武之師也策軒車而周游乎靈台靈沼靈囿之郊於論鼓鐘於樂辟雍疇昔聲名文物之盛如覩焉降至後世官師分而文武異政雖以漢之文景明章唐歷貞觀開元之盛僅躋民生富庶已耳而教則未之聞也今吾鄠學校林立農政有學商業有學工藝有學兵式有學由普通而專門逐漸推廣一切實業將莫不有學官斯土者當必學優而仕以身化人舉文武教養之任一身兼之

行將見菁莪造士械樸作人民康物阜而父母孔邇之歌爲樂只君子頌焉是所望於官斯土治斯民者志官師

古今讒慝每排斥正士奸邪恆殘害忠良君子固能容小人而小人絕不能容君子愚謂此等小人不惟不知爲君子計且不知爲國家計爲人民計並不知自爲一身計夫天下事不至大破壞四潰而不可收拾者必賴有少數忠良正士披肝瀝膽竭智盡謀傾一腔熱血而維持之危者持顛者扶始可粗安而無大變故彼小人者亦得全軀保妻子富貴浮沈優游於其間果盡爲小人用事斯不至災害並至玉石俱焚而不止然則小人不惟不宜排斥殘害君子正宜愛惜保護君子庶君子殫其勞而已逸君子茹其苦而已甘君子歷其危而已安世間事豈有佔便宜逾於此者然則君子者固國家柱石人民生佛亦實小人福星也使小人有識必爲此而不爲彼矣然而鄴之名宦縣令中首漢何武次唐盧奕此二人者在名宦座上尤卓卓不羣即所謂忠良正士君子人也而武乃以不附王莽在見誣中自殺奕以安祿山陷東

都職任留台死國難不染污泥蓮履潔玉壺冰殺身成仁即子曾子所謂臨大節而不可奪者君子人與君子人也彼莽與祿山一則爲漢軍所誅其徒黨悉被誅一則爲其子所弑其黨徒亦悉被誅且至今爲人唾之罵之遺臭真當萬年乎以視武奕之馨香俎豆吾鄆父老子弟尊敬之歷久而崇拜之千百載後英靈凜凜然若猶有生氣在彼爲小人者枉自爲小人觀此可以憬然悟爲君子者值得爲君子觀此愈可奮然興矣志名宦

吾國人材之盛莫過於成周爾時家塾黨庠州序國學無地無學無人不學故兔置皆干城之選麟趾頌公族之仁騶虞誌學業之精濟濟多士維周之楨此豐京之所以治高千古也鄆爲豐故都即爲學校發祥地自戰國迄今日就陵夷此風渺不可復覩而太東西各國學校制度深有合於成周遺意各種學校遍於國中人人無貴賤皆奮於學故人能盡其才物能盡其用地能盡其利貨能暢其流而國家富強也中國自嬴秦焚坑而後如兩漢貢舉六朝中正隋唐科目宋元明清制藝皆意在用人

而未嘗教人間嘗觀歷代京師蓋莫不有大學然以中國四萬萬之衆弟子員不過數千人極盛時亦止萬餘人下至郡縣亦莫不有學然一州之大生徒多者七八十人少則僅三二十人吾鄆有元以前學制無可攷矣至明洪武初葉邑中學官始有教諭訓導二員有明一代沿之清仍因之積久官微年遠有同虛設而地方之留意斯文者始有書院之設攷地方書院始於炎宋四大書院

岳麓白鹿
石鼓嵩陽

吾鄆之明道

書院亦遺制也顧其所教所學者皆不過八股雕虫小伎而習此小伎者亦止數人或十數人多者只二十餘人則教之所及可想見矣昔人謂三代下無人識得教字亦慨乎其言之也此中國人材之缺乏近不如泰西遠不及成周良有以也清之末葉罷科舉而設學堂民國以來漸推漸廣先後縣鄉創立高等小學校凡十處初等小學校凡二百餘處以期教育普及焉美哉始基竊願鄆之民人皆知學學皆成才才隨大小而皆有以致用用而以符設學深意焉罔俾成周專美於前可與太東西各國媲美於後則民國幸甚鄆之國民尤幸甚志學校

自人情尚矯飾重閱通包苴循請託而鄉舉里選之法弊而試課取士之制興夫制科取浮文而選舉重實行其得失盡人而知之亦盡人能言之矣乃行之千數百年而卒無以異其道近日太東西各強國且多做吾國舊制而厲行攷試焉亦時勢趨之使然歟蓋攷試雖不能盡得其人之才德短長而可實驗其所學成績之優劣人將由是競於學于學問中求人材而求材之道不左矣且較選舉之恣行假冒大爲運動純恃金錢魔力而強冠李戴無難頃刻變桀紂而爲堯舜其弊實果孰重而孰輕乎近以學校寓選舉之規復以攷試濟選舉之窮故選舉名額多多益善庶可少朋比之私而被選舉人之資格嚴之又嚴正欲免冒濫之失俾天下咸曉然于無資格者之不能倖獲而僥倖之念絕而真材或可入彀矣志選舉

倉儲者民生之大命所攸關也天道不能有豐而無歉人生不可一日而無食荒歉無食當此米珠薪桂時子民者苟無食以食之則民將輾轉溝壑而死矣鄆縣治常

平倉清末由辦公諸紳力請取締官府獨歸紳辦

改革後縣常平倉概歸紳辦矣清末縣倉爲地方一大漏卮實官府

一大利蔽時省議會雖有議歸紳辦案然取消官辦何異與虎謀皮王錫侯先生時長議會諸紳屢請願始取消官辦歸紳辦所儲之粟按章出納

數年後倉糧業已豐盈矣民國以來充駐軍餉因之告竭各鄉社會亦一出不復納而告竭於是鄂之公共積儲鄉縣均一空如洗也邇來五六年中連年饑饉民不聊生而徵歛之數密如牛毛苛于虎猛民始思如有擔石之蓄升斗之餘即可以活我而倉儲空空哀鴻嗷嗷徒歎荷荷轉死而已矣倉儲之關於民命爲何如哉志倉儲

子輿氏云仁政必自經界始耕界不正井地不均夫地而至不均則流弊不可勝言矣大抵豪強兼并或地多而賦少或賦少而地多或有地而無賦或有賦而無地鯨吞者得意忘言甌脫者含冤莫訴法弊如此良懦何堪甚至糧蠹包管終身書蠹上下其手役蠹磕詐恣奸戶如是而戶倒甲如是而甲疲里如是而里病一逢卯期敲比血肉狼籍若際荒年逃亡托累魚鱗糧册有魚鱗册種種弊害皆地不均階之厲也今春丈量地畝自耕界始田不分高下原隰糧不分民屯更兌更清初欲改更明王糧旋仍舊姑名更兌即應軍糧

軍地民耕納賦 供軍曰兌食糧 劃疆立界履畝清量田分三等糧歸各村舉昔日種種弊竇一掃而

廓清之其有裨民生非淺鮮也志田賦

自管子官山海漢武官鹽鐵酒酤後世因之日推日廣如竹木漆茶絲麻綿藥等類
直接名爲征商間接則實皆征之於農也迨前清末葉創設釐金局名色益繁徵收
益密關口皆網利捷徑稅卡即壠斷要衝其經徵久爲歲入一大宗矣然而國家經
費究以田賦爲正供而商稅不過補助品已耳迄各口通商而後百貨局增設以來
商稅之入較田賦之入數溢倍蓰蓋田賦有定額而商稅無定額也即以粵之幅員
戶口而論其在中國如面之一痣牛之一毛焉耳矣而田賦歲祇十餘萬元雜稅歲
竟達數十萬元焉以農業國而經收幾幾乎與工商業國等是不可不注意也志徵
權

交通便利之國國必富强交通梗塞之國國必貧弱然則道路者固國家之命脈尤
富强貧弱之命脈也太東西如英法德美日俄意等各富强國水路則恃鐵艦爲命

脈陸路則恃鐵軌爲命脈試按圖而觀各國路線幹路則長如蛇陣支路則密如蛛網年荒也飢饉無憂師行也糧援立至至賓旅之往來工商之運輸其便利猶常事云耳故能雄視五洲威鎮全球也吾國東南各省鐵路敷用者僅十之三四西北省全屬闕如况如鄂之蕞爾小邑乎然隴海鐵路入陝後路線無論渭北渭南則幹路必依渭跨鄠而西無疑矣鄠既爲幹路所必經斯支路不可不預爲備况終南一帶煤鐵材木皆爲鐵路所需要有支路以運之利甚溼也豈僅宜築汽車路乎志校

通

世之所謂大人者多就富貴功名勢分言也其好惡與聖人好惡全殊即其好惡之好惡迥異所謂大人小人者大非其所大小非其所小不足以權衡是非即不足以品評人物孔子君子三畏章以大人與聖言天命並稱蓋必能踐聖言而合天理始可謂之大人正指才大德大者而大之非徒大其富貴功名勢分之大而遂大之也鄠志之志人物志其富貴功名勢分乎抑志才能道德性分乎愚知其在此而不在彼

也然而非薄富貴功名而不屑屑於勢分也苟勢分顯赫而才德兼優長此正孟子所謂分定之大人也不獨邑志當志之即省志國志志人物亦必大書特書而志之以爲國家光否則雖富貴如韓魏功名如長樂老即志之亦徒招謗當時遺譏後世如桓元之在舟中自撰起居注而已吁亦何益矣然則世之所謂大人者其中或有小人所謂小人者其中或不無大人夫大之者大其性分之優美非徒大其世分之崇高也志人物者可以知所從事而無失乎聖人稱爲大人之寶訓也志人物

後漢書列女傳不齒徐淑而見書蔡暎劉子玄譏其形管所載蔣安準的於以見褒貶當否大有關於人心風化焉鄴自周初遷豐迄今數千年矣緬想當日文王表刑于之化后妃著專靜純一之德蔚爲徽音化成俗美流澤孔長民德歸厚也久矣常則賦桃夭而宜家變則凜柏舟以矢志觀方省俗者以爲有先王遺風焉獨是德潛閨闈顯達者每標芳節於邑乘悖獨者或沒芳名於蓋棺致令冰霜貞操含冤泉壤此則採風與珥筆者所宜審慎周詳大書特書以垂壺範於奕世者也志列女

風俗之厚薄奚自乎自乎心心之厚薄奚自乎自乎習習之厚薄奚自乎自乎爲民上之有大力者的所感而已孔子曰君子之德風小人之德草草上之風必偃蓋言感也鄒之風俗班固常言之曰豐鎬之民好稼穡務本業猶有先王遺風夫固所謂先王者蓋指周文武言也鄒爲文王舊都詩曰作邑於豐是也讀靈台兔置諸篇而知民風之愛且敬也讀采芣天桃各章而知民俗之和且敬也麟址爲關雎之應周南諸什寫出身修家齊國治一片太和氣象皆謂之關雎之應可也爾時文王家庭中父慈子孝夫和妻柔兄弟恭以身化民民皆化於善而成爲一種仁愛和順敬恕之風俗豈止好稼穡務本業云爾卓哉魯乎非後世所能及也夫爾時風俗胡爲如是優良哉詩曰穆穆文王於緝熙敬止熙明德也緝無私欲間斷也無間斷而明德常明即寂即照即照即寂心常惺惺焉而敬敬即明德之止至善也以故仁敬孝慈信親民亦因之止至善也所謂如天之力過化存神民日遷善而不知爲之者皞皞如也今猶是民也其風俗爲何如哉間嘗至其鄉半屬荒墟花門之瘡痍猶在入

其村多成瓦礫近年之困苦尤深大旱延至五六年產蕩而地多荒矣大疫厲傳千萬家不對時而殞生命數口矣匪猶梳也兵則篋矣政之苛猛於虎賦之繁密于牛毛矣每况愈下救死不贍風俗蓋可知矣士類每相傾軋鄉民互相仇訟其間有爲富不仁者往往重利盤剝有所謂大一分者有一二月而子過其母者貧民衣食無出良懦者稱貸無門奸狡者勾通兵匪流爲盜賊無所不至昔之民俗何其厚今之民風何其偷也曾文正公有云風俗之厚薄在乎一二人之心之所向而已一二人者之心嚮義則其徒黨皆嚮義一二人者之心嚮利則其黨徒亦皆嚮利風聲之所樹而風氣即隨之而轉移風俗亦隨之而轉移焉如影隨形有感斯應嗚呼安得有大力者一二人而轉移今日之風俗也哉志風俗

地無論歐亞人無論中外其慕古尊古之心有同然也然而在世界各國中吾國人慕古尊古之心較之一切他國爲尤甚何也蓋西人近三百年以來事事較古進化且進化程度愈速愈大覺古人不異今人故崇拜古人之心亦較弱吾國自二千年

以來事事較古退化且退化程度愈去愈遠覺今人多遜古人故崇拜古人之心爲獨強且不特崇拜其人已也即如吾鄴之靈台也在今不過一撮土之大靈沼也在今不過一勺水之多遊歷者一登臨焉猶令人徘徊景仰而不能自己且不獨吾鄴人爲然也瞻彼山榛隰蒼望西方而美人興感撫茲棠陰黍雨緬四國而遺愛莫忘而况於立德立功立言古之仁人君子以垂不朽者乎此亦足以見吾國退化之一證矣志古蹟

金石之足貴者安在乎謂其記載可以補正史之缺畧且較野史爲翔實乎抑爲作史者藉以取鑑而以之作書作記作傳可資以取材料乎似也然而猶有進兩間之正氣在天爲日星在地爲河嶽其在人者上之則統而爲國家公輔下之則萃而爲草野人傑故有力不足以上聞而其事復不可以湮沒如志士仁人孝子悌弟節婦烈女以及學佛學老者之異人精誠所感可泣鬼神可動天地聞其風可以廉頑而立懦大有裨於風俗人心者金石從而志之於以見天地間正氣果不容或磨滅在

docsriver 文川网
入驻商家 古籍书城

在文川网搜索古籍书城 获取更多电子书

也志金石

以道之流行於天地者言之形而上者道也形而下者器也以道之表見於人者言之形而爲德行者道也形而爲藝能者器也道固無往而不在也然道之精者不可見不能言凡可見可言者皆道之粗焉者惟於道之精者有所悟而有所得而始能言之以發現爲文章則粗也而精寓焉藝也而道寓焉矣然載道之文不多見其次則記人也貴得其真賦事也務核其實詠物也尤必曲肖其體而窮盡其用若徒事風花雪月連篇累牘而自詡風流內無關於身心外無裨於事實謂之雕蟲小技可耳大雅君子弗許也鄴爲古文淵藪又爲成周發祥地於風詩周南之什於周書無逸立政諸篇不啻爲文王周公格致誠正修齊治平寫真蓋大學所言者格致誠正修齊治平之道詩書所載者即斯道而復見之實事者也志文藝者以是爲的焉若射之無失正鵠雖不中不遠矣若夫玩弄刀筆吟成一個字捻斷數莖髮幾同玩物喪志而於國計民生人心風俗無關焉則等於自棺以下焉可也志藝文

事分兩種有國家事有地方事然往往完全係國家事而在某地方發生其事則其事即不啻某地方事鄒密邇省垣附郭區也凡與省垣有交涉事皆國家事也而鄒即不得高枕無憂而臥况直接發生於鄒者乎是故鄒與省垣直無異手足之護衛心腹心腹之指揮手足也則國家事也而地方與焉矣特國家掉而識其全體之大者地方節而詳其一部分之小者耳志紀事

國家有掌故舉一代歷代現代之足資法戒者詳其本末而記之此作史者原始要終起例發凡之義也歷史是也草野有軼事舉一人一事一物之足資攷鑑者詳其本末而記之此攷異者拾遺補缺斷章取義之例也雜記是也或所見異事或所聞異詞或書其妖災或識其瑞應亦猶是鳶飛魚躍足以見道之無往而不在也志雜記

民國二十一年 三月 邑人 吳繼祖 象先謹識